

հանցագործության մեծագույն խրախուսանքն է»:

Այս դրվագում հեղինակն անդրադարձել է 1918-1920թթ. Արևելահայաստանում և Ղարաբաղում տիրող իրավիճակին, Ադրբեջանի մուսաֆաթական կառավարության հայաջինջ քաղաքականությանը, որին նպաստում էին անգլիական զինյալ ուժերը: Դա իրոք Թուրքիայի 1915-ի հայաջինջ քաղաքականության կրկնությունն էր: Հ.Ինճիկյանը նկարագրել է դեպքերի ընթացքը, անդրադառնալով 1917-ի դեպտեմբերի 5-ի ռուս-թուրքական նահանջին, թուրքական բանակի արշավանքներին, Բրեստ-լիտովսկու պայմանագրին և այլն:

Միակ պետությունը, որ կարող էր գործել ի նպաստ հայաստանի, Ռուսաստանն էր: Սակայն, ինչպես ակնարկում է հեղինակը, - «հանրապետության ղեկավարների շրջանում միասնություն չի եղել այդ հարցերը լուծելիս, ուստի Չիչերինի, Կարախանի, Լեգրանի ջանքերը՝ ի նպաստ Հայաստանի, անցել են ապարդյուն»:

Հեղինակը գտնում է, որ անպատժելիությունն էր, որ հնարավոր դարձրեց մերօրյա հայկական կոտորածները Սումգաիթում, Գանձակում, Բաքվում բոլոր այն եղանակներով, որպիսիք գործադրեցին երիտթուրքերը 1915-ին:

**Մ.Ս.ԿԱՐԱՊԵՏՅԱՆ, Հայոց 1915-16 թվականների ցեղասպանությունը հայ պատմագրության մեջ (Պատմական գիտությունների դոկտորի գիտական աստիճանի հայցման սեղմագիր) Երևան, ՀՀ ԳԱԱ պատմության ինստիտուտ., 1996**

Սույն ուսումնասիրության հեղինակը հանրագումարի է բերել հայոց մեծ եղեռնի պատմության բնագավառում հայ պատմագրության մեջ մինչև այժմ կատարված մեծածավալ ու շնորհակալ աշխատանքը, համակողմանիորեն պատմաքննական վերլուծության ենթարկել ցեղասպանությանը նվիրված աշխատությունները, գիտական արժեք ներկայացնող հուշագրություններն ու հրապարակումները:

Ատենախոսությունը, որ Հայոց ցեղասպանության հայ պատմագրության պատմաքննական տեսությունը գիտականորեն ներկայացնելու առաջին փորձն է, ունի գիտա-ճանաչողական արժեք և օգտակար կարող է լինել փորձագիտական ճշմարիտ եզրահանգումների համար: Գոյություն ունեցող իրարամերձ տեսակետների համադրմամբ ու քննարկմամբ հեղինակը պարզաբանումներ է կատարել ոճրագործության իրական պատճառների բացահայտման, Մեծ տերությունների դիրքորոշման, եղեռնի զոհերի թվաքանակի որոշման հարցերում: Ատենախոսը որոշակի պատասխան է տալիս այն հարցին, թե որո՞նք էին թուրքական բարբարոսությանը առավել ընդգրկուն ու կազմակերպված, համայնական բնույթի հակահարված չտալու հիմնապատճառները՝ և ովքե՞ր էին այդ ծախողանքի իրական պատասխանատուները:

Ատենախոսությունը բաղկացած է երեք գլուխներից՝ ութ ենթագլուխներով:

Առաջին «Մեծ եղեռնի պատմության սկզբնավորումը» գլուխը բովանդակում է ակնատես-ժամանակակիցների ուսումնասիրությունների, հուշագրությունների և օտար հեղինակների հայերեն թարգմանված աշխատությունների վերլուծությունը: Հեղինակը բարձր է գնահատում Ա-Ղոյի (Ղովհաննես Տեր-Մարտիրոսյան), Մուշեղ Արքեպիսկոպոսի, Եղիշե քահանա Տեր-Պարսամյանի, Արամ Անտոնյանի, Նազարեթ Փիրանյանի, Գաբրիել Թագավորյանի, Լևոն Մոզյանի, Հովհ. արք. Անգլյանի, Գրիգոր Պողոսյանի, Մելքոն Տեր-Մելքոնյանի, Մ.Էսմերյանի, Ղազար Մակունցի աշխատությունների ու աղետից վերապրած մի շարք հեղինակների հուշագրությունների փաստավավերագրական արժեքը:

Երկրորդ «Օտար հեղինակների հայերեն թարգմանված աշխատությունները» գլուխը նվիրված է այլազգի հեղինակների աշխատությունների վերլուծությանը:

Առաջին համաշխարհային պատերազմի ժամանակաշրջանում արևմտահայության ճակատագրի մասին գրել են ռուս և օտար շատ հեղինակներ՝ Վալերի Բրյուսովը, Անդրեյ Մանդելշտամը, Հենրի Մորգենթաունը, Ջեյմս Բրայսը, Հերբերտ Ադամս Գիբսոնը, Հենրի Ֆիրբյուխտը, Ֆրիտյոֆ Նանսենը, Հանրի Բարբին, Ֆայես էլ Ղոսեյնը, Մկան Ջադե Ռիֆաթը և ուրիշներ, որոնց աշխատությունները որոշակիորեն նպաստել են ամբողջացնելու հայ պատմագրության ընդհանուր պատկերը: Ատենախոսը կարևորում է ֆրանսիացի պատմաբան և հրապարակախոս Ռենե Պիոնի «Հայերի բնաջնջումը» գրքույկը, աստվածաբանու-

թյան դրկտոր Յոահաննես Լեփսիուսի կազմած գաղտնի տեղեկագիրը, դանիացի միսիոներուի Մարիա Յակոբսոնի վկայությունները, լեհ հասարակական-քաղաքական գործիչ, արևելագետ և լրագրող Բոգդան Գեմբարսկու «Նամակներ աշխարհին» գիրքը և այլն:

Երկրորդ՝ «Չայոց մեծ եղեռնը սփյուռքահայ պատմագրության մեջ» գլխում հեղինակը պատմաքննական վերլուծության է ենթարկել սփյուռքում հրատարակված աշխատությունները:

Առաջին ենթագլխում հեղինակը անդրադարձել է Կարո Սասունու, Թեոդիկի (Թադևոս Լապճինյանի), Չայկ Աճեմյանի, Սեպուհ Ակունու, Գրիգորիս Ժ. Վարդապետ Պալաքյանի, Չայկ Կոստյանի, Չ. Թյուրապյանի, Գաբրիել Լազյանի, Տիգրան Անդրեասյանի, Ռուբենի, Ջավեն Արքեպիսկոպոսի աշխատություններին, որոնք հիմք դարձան Չայոց եղեռնի պատմագրական հետագա փուլի սկզբնավորման համար:

Երկրորդ ենթագլխում քննության են առնված 1965-1995 թվականներին սփյուռքում հրատարակված աշխատությունները: Սփյուռքահայության և առհասարակ ողջ հայ ժողովրդի կյանքում բացառիկ իրադարձություն էր Մեծ եղեռնի 50-ամյակը: Բազմապիսի սգահանդեսներին և այլ միջոցառումներին զուգահեռ, այդ առիթով հրատարակվեցին հուշամատյաններ, պարբերականների բացառիկներ և պատմագիտական աշխատություններ, որոնցում եղեռնի պատմության ուսումնասիրումը բարձրացվեց նոր աստիճանի:

Եղեռնի 50-ամյակի առիթով հրատարակությունների առաջնեկն ու չգերազանցվածը ՌԱԿ-ի «Ձարթոնք» օրաթերթի խմբագրապետ Գերսամ Ահարոնյանի և խմբագիր Նազարեթ Թուխսպյանի հրատարակած շքեղ և մեծադիր «Չուշամատյան Մեծ եղեռնի» հատորն է:

Երրորդ՝ «1915-1916 թվականների ցեղասպանությունը հայրենական պատմագրության մեջ» գլուխը բաղկացած է չորս ենթագլուխներից և նվիրված է խորհրդահայ պատմագրությանը:

Չայոց եղեռնի պատմությունը Չայաստանի խորհրդայնացումից հետո տասնամյակներ շարունակ մատնվեց միտումնավոր լռության, արգելվեց խոսել և գրել, որովհետև այդպես էին պահանջում գերապետության արտաքին քաղաքականության ու բոլորին պարտադրված գաղափարախոսության շահերը:

Ինչպես հեղինակն է նշում՝ պատմագիտության բնագավառում ավերիչ դեր կատարեց վուլգար սոցիոլոգիզմը, որի պարտադրանքով էլ մեր ժողովրդի պատմության տարբեր հարցերի վերաբերյալ հրապա-

առակ նետվեցին հակագիտական ու արտառոց կոնցեպցիաներ: Վուլ-  
 արար սոցոլոգիզմի անմիջական ազդեցության արդյունք պետք է համա-  
 լմոել անշուշտ, որ բազմավաստակ պատմաբան Լեոն (Առաքել Բաբա-  
 սեանյանը), ի ժխտումն նախկինում իր իսկ մշակած միանգամայն  
 առողջ ու գիտական մտտեցումների, ծայրահեղ տեսակետներ արտա-  
 առայտեց հայ ազատագրական շարժման, նրա գործիչների և, մասնավոր-  
 ստապես, արևմտահայության ողբերգության մասին: Նա Հայոց ցեղա-  
 սպանության գլխավոր մեղավորներ հռչակեց հենց իրենց՝ հայերին,  
 սոհանիրավի դատապարտեց կամավորական շարժումն ու 1915 թվակա-  
 նի ինքնապաշտպանական հերոսամարտերը:

Հայոց ցեղասպանության պատմության գիտական ուսումնասիրու-  
 չության բնագավառում մեծ ավանդ է ներդրել բազմավաստակ հայա-  
 կագետ-պատմաբան, ակադեմիկոս Մկրտիչ Ներսիսյանը: Նա հայտնաբե-  
 լողել և «Պատմաբանասիրական հանդեսի» 1965 թ. առաջին համարում,  
 «Նյութեր հայկական կոտորածների մասին» խորագրով հրապարկել է  
 իրեն արժեքավոր փաստաթղթեր, որոնք լույս են սփռում մի շարք հան-  
 գուցային հարցերի վրա: Ըստ հեղինակի, Մ.Ներսիսյանի 1982-ին հրա-  
 տարակած «Հայերի ցեղասպանությունը օսմանյան կայսրությունում»  
 փաստաթղթերի և նյութերի ժողովածուն մերկացնում է ժամանակից  
 թուրք կեղծարարներին, որոնք ճգնում են ժխտել օսմանյան թուրքիա-  
 յում հայերի ցեղասպանության փաստը:

Օսմանյան կայսրությունում հայերի ցեղասպանության վերաբերյալ  
 նոր փաստաթղթերի ու նյութերի հայտնաբերման, գիտական մշակման  
 և հրատարակման բնագավառում լուրջ ներդրում են կատարել Վարդգես  
 Միքայելյանը, Ստ. Ստեփանյանը, Ե. Սարգսյանը, Ա. Մնացականյանը,  
 Ջոն Կիրակոսյանը, Մ. Արզումանյանը, Գ. Գալոյանը, Գևորգ Ղարիբջան-  
 յանը, Դ. Ինժիկյանը, Ստ. Պողոսյանը, Ռուբեն Սահակյանը:

Երկրորդ՝ «Ցեղասպանության ուսումնասիրումը» ենթագլուխը  
 նվիրված է 1960-ական թվականներին և դրանից հետո հրատարակված  
 աշխատություններին: Ըստ հեղինակի, այդ շարքի առաջնեկներից են  
 պրոֆեսորներ Ե. Սարգսյանը, Ար. Մնացականյանը, Ջոն Կիրակոսյանը,  
 Մ. Արզումանյանը, Ստ. Ստեփանյանը, Ստ. Պողոսյանը, ակադեմիկոսներ  
 Գևորգ Ղարիբջանյանը, Ծատուր Աղայանը, Գալուստ Գալոյանը, Դրա-  
 չիկ Սիմոնյանը:

Հեղինակը գտնում է, որ ցեղասպանության պատմական ակունքնե-  
 րի բացահայտման ինքնատիպ մտտեցում է մշակել ակադեմիկոս Լենդ-



րուշ խուրչուոյանը, ըստ որի՝ նվաճելով Հայկական լեռնաշխարհը, թուրքերն ի սկզբանէ վարեցին Հայաստանը հայաթափելու, հայոց պատմական հայրենիքը սեփականացնելու քաղաքականութիւն, որը հետագայում ստացավ պետական ծրագրի տեսք: Ծնունդ առավ օսմանյան կայսրութիւնում ազգային հարցը և, առաջին հերթին, Հայկական հարցը եղեռնի միջոցով լուծելու կոնցեպցիան:

Երրորդ «Հայերի ինքնապաշտպանական հերոսամարտերի ուսումնասիրումն ու գնահատումը» ենթագլուխը նվիրված է հայոց հերոսամարտի լուսաբանման հարցերին:

Ինչպես հեղինակն է ընդգծում, հայրենական պատմագրութիւնը վճռականորեն մերկացնելով Արևմտյան Հայաստանում հակաթուրքական շարժման առկայության վերաբերյալ թուրքական հերյուրանքը, մշակել և ամրատարել է հարցի լուսաբանման գիտականորեն հիմնավորված մեկնակետ, համաձայն որի արևմտահայության հերոսամարտերը երիտթուրքական ավազակաբարո վարչակարգի ծրագրած աննախադէպ ցեղասպանութեան քաղաքականութեան անմիջական հետևանք էին, որոնք ունեին բացառապէս ինքնապաշտպանական բնույթ և միանգամայն օրինաչափ էին, պարտադրված ու անհրաժեշտ:

Չորրորդ՝ «Ցեղասպանութեան պատմագրութեան հետազոտութիւնը» ենթագլխում ներկայացված է հիմնահարցի պատմագրութեան ուսումնասիրման պատկերը:

Ըստ հեղինակի՝ հայրենական մի շարք պատմաբաններ իրենց աշխատութիւնների ներածականում կամ բուն շարադրանքում այս կամ այն չափով անդրադառնել են հարցին, սակայն առանձին հետազոտութեան առարկա չեն դարձել: Այդ առումով պատմագրական հատուկ հետազոտութիւն է Ե.Աարգսյանի և Ռ.Սահակյանի համատեղ «Հայ ժողովրդի նոր դարաշրջանի պատմութեան նենգափոխումը թուրք պատմագրութեան մեջ» աշխատութիւնը, ուր մերկացվում են թուրք հեղինակների կեղծարարութիւնները Հայոց ցեղասպանութեան հարցերում:

Հինգերորդ գլուխը նվիրված է Մեծ եղեռնի պատմագրութեան հարցերին, որտեղ հեղինակը քննարկում է ֆրանսիական պատմաբաններ Իվ Թերնոնի, Ժան-Մարի Գառզուի, Արթուր Բեյլերյանի, Պիեռ Մոգերի, անգլիական պատմաբաններ Ք.Ուոքերի, Դ.Լանգի և այլոց աշխատութիւնները: Առանձին գլխում տրված է թուրք պատմագրութեան կեղծարարութեան քննադատութիւնը: